

TUSARNIAANEQ PILLUGU OQAASEQAAT

Uunga siunnersuut: Inunnik paasissutissanik suliarinnittarneq pillugu inatsimmut Kunngip peqqussutaata Namminersorlutik Oqartussanit Kalaallit Nunanut atuuttussanngortinneqarnissaa pillugu Inatsisartut aalajangiiffigisassaattut siunnersuut.

Naalackersuisut piffissamii 22. maaji – 30. juuni 2015 peqqussutissatut siunnersuut pillugu ilassummik Kalaallit Nunaanni tusarniaapput.

Peqqussutissatut siunnersuut ukununga tusarniaassutigineqarpoq:

Siulittaasup Naalackersuisoqarfianut, Aningaasaqarnermut Naalackersuisoqarfik, Aatsitassanut Ikummatissanullu Naalackersuisoqarfik, Ineqarnermut, Sanaartornermut Angallannermullu Naalackersuisoqarfik, Aalisarnermut, Piniarnermut Nunalerinermullu Naalackersuisoqarfik, Inuusutissarsiornermut, Suliffeqarnermut Niuernermullu Naalackersuisoqarfik, Ilaqutarinnermut, Naligiissitaanermut Isumaginninnermullu Naalackersuisoqarfik, Peqqissutsimut Naalackersuisoqarfik, Ilinniartitaanermut, Kulturimut, Ilisimatusarnermut Ilageeqarnermullu Naalackersuisoqarfik, Pinngortitamut, Avatangiisinut Inatsisinillu Atuutsitsinermut Naalackersuisoqarfik, Nunatsinni Nakorsaaneqarfik, Nunanut Allanut Pisortaqaarfik, Akileraartarnermut Pisortaqaarfik, Aningaasaqarnermut Sulisoqarnermullu Aqutsisoqarfik, KANUKOKA, Kommuneqarfik Sermersooq, Kommune Kujalleq, Qeqqata Kommunia, Qaasuitsup Kommunia, Ilisimatusarfik, Kalaallit Nunaanni Naatsorsueqqissaartarfik, Kalaallit Nunaanni Sulisitsisut, ICC Kalaallit Nunaat, Inuit Pisinnaatitaaffii pillugit Institutti, Inuit Pisinnaatitaaffii pillugit Kalaallit Nunaanni Siunnersuisooqatigiit, Nunatsinni Advokatit – Grønlands Advokater, IMAK, SIK, PK – Peqqissaasut Kattuffiat aamma Høringsportali.

Tusarniaanermi akissutit 18-it ukunanga tiguneqarput:

KANUKOKA, Kommune Kujalleq, Qeqqata Kommunia, Kommuneqarfik Sermersooq (allaffissornikkut akissuteqaat, kingusinnerusukkut politikikkut suliarineqartussatut naatsorsuutigineqartoq), ERP – Suliniutinut allattoqarfik, Open Source Greenland, ICC, Transparency International – Greenland, Inuit Pisinnaatitaaffii pillugit Institutti, Kalaallit Nunaanni Sulisitsisut, Nunatta Atuagaateqarfia – Det Grønlandske Landsbibliotek, IMAK, Aalisarnermut, Piniarnermut Nunalerinermullu Naalackersuisoqarfik, Ilinniartitaanermut, Kulturimut, Ilisimatusarnermut Ilageeqarnermullu Naalackersuisoqarfik, Peqqissutsimut Naalackersuisoqarfik, Ineqarnermut, Sanaartornermut Angallannermullu Naalackersuisoqarfik, Siulittaasup Naalackersuisoqarfia aamma Akileraartarnermut Aqutsisoqarfik.

Tusarniaanermi akissutigineqartut, siunnersuummut tigussaasunik oqaaseqaatitallit, ataani allatorneqarput.

Tusarniaavigineqartoq	Oqaaseqaatit	Oqaaseqaatinut akissutit
KANUKOKA	Inunnik paasissutissanik suliarinnittarneq pillugu inatsisip Kalaallit Nunanni atuutilersinneqarnissaa KANUKOKAmit pitsaasutut	Siunnersuutip piareersarneranut atatillugu Siulittaasup Naalackersuisoqarfiani Inatsiseqarnermut immikkoortortap nalilersorsimavaa suliassaqaarfik

	<p>isigineqarpoq. Kattuffiup innersuussutigai nalunaarsuisarnermut inatsisit atuuttut ullutsinnut naleqqukkunnaarsimerat.</p> <p>Naalagaaffiup akisussaaffigisaatut Naalakkersuisut Siulittaasoqarfiani Inatsiseqarnermut immikkoortortap Statsiministeriamit ilisimatinneqarsimanera KANUKOKAp tusaatissatut tiguaa.</p> <p>KANUKOKAlli tikkuarpaa siunnersuutip allaffissornikkut aamma aningaasartuutaanissaanut kinguneqaataasussatut nalilerneqarneri nalorninartutut aamma inissisimasut. Taamaattumik KANUKOKA isumaqarpoq kommunit aningaasartuutaanerussaanut taakkununga taarsiiffigineqartariaqartut, Namminersorlutik Oqartussat aamma Kommunit DUT-imik periuseq isumaqatigiissutaat naapertorlugu.</p> <p>Aammattaq Namminersorlutik Oqartussat kajumissaarneqarput inatsisip atuutilersinneqarnissaanut sulisunik ilinniartitsinissamut aningaasaliissutissanik illuartitseqqullugu. Taamatuttaq Namminersorlutik Oqartussat kajumissaarneqarput inatsisip atuutilersinneqarneratigut inatsisinut allanut assigiissuteqartoqarsinnaanera eqqarsaatigeqqullugu.</p> <p>Naggiusit inatsisip atuutilersinneqarnissaanut atatillugu ikaarsaariarnissamut pisariaqatitsisoqarnissaa KANUKOKAmit tikkuarneqarpoq.</p>	<p>akisussaaffittut tiguneqareersimeransoq imaluunniit naalagaaffimmit akisussaaffigineqarneransoq. Inatsiseqarnermut immikkoortortaq Justitsministeriamik oqaloqatereernermi kingorna nalunaarutigaa tamanna naalagaaffiup akisussaaffigigaa. Peqqussutissatut missingitup naammassisap nassiunneranut atatillugu Justitsministeriap erseqqissaatigaa Namminersorlutik Oqartussat immikkut inatsisartut inatsisissaannik suliaqarsinnaasut, namminersorlutik oqartussat namminneq akisussaaffiunut taamaallaat atuuttussamik. Inatsisitigut tunngaviup inissisimanera suli tassaavoq inunnik paasissutissanik suliarinnittarneq pillugu inatsit kunnigip peqqussutaatigut atuutilersinneqarsinnaammat. Naalakkersuisut suli isumaqarput inunnik paasissutissanik suliarinnittarneq pillugu inatsit Kalaallit Nunaannut atuutilersinneqassasoq, isumalluutit isiginiarlugit kiisalu digitalinningsaanermut suliniutit ingerlanneqartut siuariartortinneqarlutik ingerlanneqaannarnissaat qulakkeerniarlugit.</p> <p>Siunnersuummi allaffissornikkut aningaasatigullu kinguneqaatasussat nalilersorneqarnerisa annikinnerat Naalakkersuisut eqqumaffigaa. Tassunga atatillugu malugeqquneqarpoq inunnik paasissutissanik suliarinnittarneq pillugu inatsisip Danmarkimi suliarineqarnerani aamma allaffissornikkut aningaasatigullu kinguneqaataasussat erseqqissumik</p>
--	--	--

		<p>nalilersussallugit ajornakusoorsimasoq.</p> <p>Siunnersuutikkut nalunaarsuisussaatitaanermut inatsisit atorunnaarsinneqassapput, tamatumalu kingunerisaanik nalunaarsuiffinnut malittarisassiornissamik piumasaqaatit aamma ilanngullutik. Pisussaaffik taanna inuit pillugit paasissutissanik atuinermi nalunaarutiginnittussaatitaanermik taarserneqassaaq. Naalakkersuisut isumaqarput tamatumuunakkut pisortat aamma namminersortut allaffissornikkut oqilisaaffigineqassasut. Siunnersuummi §§ 27-mut aamma 28-mut tunngatillugu paasissutissanut akisussaasut nalunaarsorneqarsimasunut paasissutissiiussaatitaanerannut tunngatillugu allaffissornikkut suliaqarnerulernissaq naatsorsuutigineqassaaq. Naalakkersuisut isumaqarput paasissutissiiussaatitaanermut pisussaaffik tamanna sapinngisamik assigiissaakkamik paasissutissiiinertut ingerlanneqarsinnaasoq, assersuutigalugu qinnuteqaatinik tunniussinermi imaluunniit atorfinititsinermi isumaqatigiissusiornerit aqutigalugit.</p> <p>Siunnersuummik atuutilersitsinissamut atatillugu aningaasartuutissanut tunngatillugu naalagaaffiup inatsisaa pineqarpoq, taamaalillunilu aningaasatigut akisussaaffik tunngaviusumik naalagaaffiup ataaniilluni. Naalakkersuisulli isumaqarput inatsisip ilisimaneqarnera sapinngisaq tamaat</p>
--	--	--

		<p>siammarterneqassasoq. Tamatumunnga aaqqissuteqarnissaq tunnngavigalugu Naalakkersuisut naalagaaffimmi oqartussanik oqaloqateqarput.</p> <p>Naalakkersuisut isumaqatigisinnaavaat siunnersuutip inatsisinut allanut kalluaasinnaanerata naliliiffiqineqarnissaanik kissaateqarneq, naalakkersuisoqarfillu attuumassuteqartut tamatuma eqqumaffiginissaanut kaammattorneqarput.</p> <p>Naggasiutigalugu oqaatigineqarsinnaavoq Naalakkersuisut naalagaaffimmi oqartussanik oqaloqateqarnikummata § 71-imi killigitat sivitsorneqarnissaannut tunnngasumik. Peqqussutissatut siunnersuummi nutarterneqarsimasumi § 71-i innersuussutigineqarpoq.</p>
Qeqqata Kommunia	Siunnersuutip nassatarisaanik allaffissornikkut aningaasatigullu kinguneqaataasussat kommunip annilaanngatigalugit oqaatigai.	Tamakkiisumik isigalugu KANKOKAp tusarniaanermut akissutaanut akissutigineqartoq qulaaniittoq innersuussutigineqarpoq.
Kommuneqarfik Sermersooq	<i>Maluginiarneqarpoq tusarniaanermi akissut allaffissornikkut akissutaammat, politikkikkut suliarineqarnissaa utaqqineqarluni. Tusarniaanermi akissut politikkikkut suliarineqarsimasoq tiguneqarpat ingerlateqqinneqassaaq.</i>	Tamaasa eqqarsaatigalugit KANUKOKAp tusarniaanermut akissutaanut akissutigineqartut qulaaniittut innersuussutigineqarput.
	Inunnik paasissutissat suliarineqartarnerat pillugu peqqussutissap inatsisitigut aaqqitassartaasa inissinneqaqqaarnissaat kommunemit kissaatigineqarpoq.	

	<p>Aammattaaq kommunep oqaatigaa suleriaatsit nutaat atorneqalernissaannut pikkorissartitsinissamut aningaasartuutunik taarsiiffigineqarnissaminik kissaateqarluni.</p> <p>Namminersorlutik Oqartussat inatsisinut allanut killiliinissani eqqumaffigissagaa, taakkununga ilanngullugit suliat suliarineqartarneranut inatsit aamma toqqortaateqarnermut inatsit.</p>	
Kommune Kujalleq	<p>Kommunep innersuussutigaa peqqussut Kalaallit Nunaannut atuutitinneqalissanngitsoq, pineqartoq Namminersorlutik Oqartussanut tunngassuteqarmat.</p> <p>Ilanngulluguttaaq kommunep innersuussutigaa inunnik paasissutissanik suliarinnittarneq pillugu inatsisip eqqunneqarnerata kingunerisaanik paasissutissat suliarineqartarnerisa isumannaatsuutineqarnissaannut europamiut isumaqatigiissutaannut Kalaallit Nunaat qanoq peqataatinneqassanersoq nalilersorneqassasoq.</p> <p>Kiisalu inunnik paasissutissanik suliarinnittarneq pillugu natsisip eqqunneqarnera kommunenut aamma Namminersorlutik Oqartussanut allaffissornikkut annertunerusumik aningaasartuutaanerulissasoq.</p>	<p>Peqqussutip atuutilersinneqarneranut atatillugu piginnaangorsaaqqinnissamut apeqqut, kiisalu allaffissornikkut aamma aningaasartuuteqarnerulernissamik kinguneqaataasussanut tunngasut KANUKOKAp tusarniaanermut akissutaanut qulaani akissutigineqartut innersuussutigineqarput.</p> <p>Paasissutissat isumannaatsuutinneqarnissaannut europamiut isumaqatigiissutaannut Den Europæiske Databeskyttelseskonventionimut Kalaallit Nunaata peqataatinneqarsinnaaneranut apeqqummut tunngasoq Naalakkersuisut Justitsministeriaqarfimmut, suliaasaqarfimmik akisussaasumut, ingerlateqqippaat.</p> <p>Justitsministeria taama isumaqanngilaq xxxx. Justitsministeriap naliliinera Naalakkersuisunit tusaatissatut tiguneqarpoq.</p>
ERP – Suliniutinut allatseqarfik	Suliniyaqatigiiffiup siunnersuut ilalernartippaa, ilanngulluguttaaq	Maluginiarneqartunut Naalakkersuisut

	<p>innersuussutigalugu maannakkut inatsisit atuuttut atorlugit illersorneqarsinnaasumik paasissutissanik akulerutsitsinissaq, ataqatigiissitsinissaq aamma paarlaasseqatigiinnissaq ajornassasoq.</p>	<p>isumaqataasinnaapput.</p>
<p>Inuit Pisinnaatitaaffii pillugit Institutit</p>	<p>Tamakkiisumik isigalugu nalunaarsuisarnermut inatsisip iliuuseqarfigineqarniarnera, taamaalillunilu Kalaallit Nunaanni inuit pillugit paasissutissat ullutsinnut naleqqunnerusumik malittarisassiornikkut suliarineqarsinnaanngornissaannut alloriarneq Institutit pitsaasutut isigaa.</p> <p>Taamaattorli Institutit innersuussutigaa paasissutissat illersorneqarnissaannut Kalaallit Nunaannut immikkut ittumik inatsisiliortoqassasoq, EU-p iluani inuit pillugit paasissutissat illersorneqarnissaasa maanna nutarterlugit suliarineqarnerat eqqarsaatigalugu.</p> <p>Aaqqissutaasinnaasutut institutit innersuussutigaa suliaasaqarfimmi kalaallit malittarisassa at piaartumik nutarterneqassaasut, EU-p ataani malittarisassanut akuersissutigineqartussatut naatsorsuutigineqartunut naleqqussarlugit.</p> <p>Aammattaaq Institutit ilanngullugu inassutigaa Kalaallit Nunaanni eqqartuussiveqarfiit inunnik paasissutissanik suliarinnittarneq pillugu inatsimmut ilaatinneqassasut.</p> <p>Aammattaaq Institutit inassutigaa inunnik paasissutissanik suliarinnittarneq pillugu inatsimmi</p>	<p>Naalakkersuisut tunngaviusumik isumaqarput naalagaaffiup inatsisai ataavartumik nutarterneqartarsassut, taamaalilluni malittarisassat naalagaaffeqatigiinni illugiissumik assigiissaakkamik tamatuminnga pisariaqartitsisoqartillugu pisinnaaqqullugu.</p> <p>Naalakkersuisut aamma ilisimaaraat inuit pillugit paasissutissat atorneqartarnerannut malittarisassat nutaat EU-p ataani suliarineqarnermata. Naalakkersuisut isumaqarput inunnik paasissutissanik suliarinnittarneq pillugu inatsisip maanna atuuttup malittarisassaanut sapinngisamik naapertuuttumik peqqussutissaq imaqassasoq. Taamaattorli pisuni assigiinngitsuni innuttaasut arlaqarnerusunik pisinnaatitaaffilersorneqassapput. Tamatumani pineqarput paasissutissat illersorneqarnissaannik akisussaasumik toqqaaneq, ”puigorneqarnissamik pisinnaatitaaffimmik” atulersitsineq, inuit pillugit paasissutissat isumannaatsuutinneqarnissaannik eqqortitsinnginnermi nakkutilliisussaataitaasup paasissutissiisussaataitanera, aamma pisortat namminersortullu allaffissornikkut akiliisussanngortitaasinnaanerat.</p>

	<p>§ 54, stk. 1 – suliassat nalunaarutigineqarsimasut allattorsimaffiat tamanit takuneqarsinnaasut – Kalaallit Nunaannut atuutilersinneqassasoq.</p> <p>Ilutigitilluguttaaq institutip innersuussutigaa Datatilsyni suliani pillugit ukiumoortumik Inatsisartunut nalunaarusiortassasoq – Datatilsynip Folketingimut nalunaarusiortarnera assigalugu, inunnik paasissutissanik suliarinnittarneq pillugu inatsimmi § 61, stk. 2 naapertorlugu.</p> <p>Instituttitaaq innersuussutigaa danskit inunnik paasissutissanik suliarinnittarneq pillugu inatsit aallaavigalugu nalunaarutaat atuutilersinneqartut kalaallinut atugassarititanut naleqqussarneqartassasut</p>	<p>Naalakkersuisuttaaq isumaqatigisinnaavaat Kalaallit Nunaanni suliassa qarfimmi malittarisassiornerup nunat tamalaat akornanni malittarisassanun naapertuunnissaa. Tamanna tunngavigalugu Naalakkersuisut Justitsministeria qarfimmut inassutigaa, Naalakkersuisut oqaloqatigalugit, suliassa qarfimmi malittarisassat pisaria qarfiisigut nutarterneqartassasut.</p> <p>Institutip eqqartuussiveqarnermut tunngatillugu oqaaseqaataanut tunngatillugu, suliassat nalunaarutigineqarsimasut allattorsimaffiat tamanit takuneqarsinnaasooq aamma ukiumoortumik nalunaarusiortarnissamut tunngasut Naalakkersuisut Justitsministeria qarfimmut ilisimatitsissutigaaat – aammalu Justitsministeria qarfik piunasa qarfigalugu inunnik paasissutissanik suliarinnittarneq pillugu inatsimmi Kalaallit Nunaanni atuuttussami taakku ilaatinneqannginnissaanik aalajangerneq eqqarsaatigeqqeqqullugu. Justitsministeria qarfik isumaqarpat tamanna ajornartoq, tamatuma naalisaammik sukumiisumik nassuiarneqarnissaa Naalakkersuisut inassutigaaat.</p> <p>Nalunaarutinut tunngatillugu apeqqut siunertarineqartoq Naalakkersuisunit ilalernerpoq, tamannalu Justitsministeria qarfimmut ilisimatitsissutigalugu. Naalakkersuisulli nalilerpaat Danmarkip Kalaallit Nunaatalu akornanni suliassa qarfinni arlalinni</p>
--	---	--

		<p>nalunaarutininik malittarisassanik assigiinningsunik pisariaqartitsisoqarnavianngitsoq. Naalakkersuisulli eqqumaffigaat assersuutigalugu oqaatsitigut naleqqussaanissaq pisariaqartinneqarsinnaasoq, paatsortoqarnissaa pinngitsoortinniarlugu.</p>
ICC – Kalaallit Nunaat	<p>Siunnersuut ICC-mit tapersorsorneqanngilaq.</p> <p>Siunnersuutikkut inatsit Kalaallit Nunaannut naleqqussarneqanngitsoq atortuulersinneqassasoq suliniaqatigiiffiup tikkuarpaa - innersuussutigalugulu oqartussaaffik angerlallugu akisussaaffigineqalissasoq.</p> <p>Aammattaaq suliniaqatigiiffiup tikkuarpaa innuttaasunut paasititsiniaallunilu oqallitsitsisoqarsimannngitsoq, siunnersuutip sutigut pisinnaatitaaffeqartitsilernissaanut tunngatillugu.</p> <p>Aammattaaq suliniaqatigiiffiup tikkuarpaa Kalaallit Nunaat suli nunatut isumaannaatsuunnngitsutut inissisimasoq – nuna, Datatilsyni Inatsisartunut nalunaaruteqartartussaannngitsoq, aammalu inatsisip eqqortumik atuutitinnissaanut ajornartorsiorfiusussaq.</p>	<p>Angerlaallugu akisussaaffigineqalernissaanut apeqqummut tunngatillugu KANUKOKA tusarniaanermi akissutaanut oqaaseqaatigineqartut innersuussutigineqarput.</p> <p>Naalakkersuisut isumaqatigisinnaavaat inunnik paasissutissanik sularinnittarneq pillugu inatsit innuttaasunit ilisimaneqarnissaa pingaaruteqartoq, aamma inatsit naapertorlugu innuttaasut sunik pisinnaatitaaffeqarnermut. Naalakkersuisulli isumaqatiginngilaat inunnik paasissutissanik sularinnittarneq pillugu inatsisip atuutilersinneqarnissaa sioqqullugu immikkut paasititsiniaanissaq pisariaqartinneqassasoq.</p> <p>Nunatut isumannaatsutut akuerineqarnissamut apeqqummut tunngatillugu, Naalakkersuisut isumaqarput, qinnuteqarnermut suliassaq tamanna peqqussutip atuutilersinneqarnerata kingunitsiannua aallartisarneqassasoq. Naalakkersuisut ilisimatitsissutigisinnaavaat peqqussutip atuutilersinneqarnera Kalaallit Nunaata nunatut isumannaatsutut akuerineqarnissaanut qulakkeerinnissutaanngimmat – qinnuteqarnissalli</p>

		<p>aallartisarnissaanut tamanna pingaaruteqarmat.</p> <p>Aammattaaq innersuussutigineqarput Inuit Pisinnaatitaaffii pillugit Institutip tusarniaanermi akissutaanut oqaaseqaatit.</p>
<p>Transparency International Greenland</p>	<p>Tamakkiisumik isigalugu suliniaqatigiiffiup pitsaasutut isigaa, pisortat namminersortullu nalunaarsuiffiit malittarisassat nutarsarneqarnissaat, aammalu suliffeqarfiit periarfissaqalissammata eqqunngitsuliortoqartillugu Datatilsynimut nalunaarutiginnissinnaanissaminnu . Aammalu inunnik paasissutissanik suliarinnittarnermut inatsisitut ittumik atortuulersitsinissamik tapersersuisinnaallutik.</p> <p>Sulianiaqatigiiffiulli illersorneqarsinnaanngitsutut isigaa malittarisassat EU-mit aallavillit, illersorneqarsinnaaneri nalilersuiffigineqanngitsut Kalaallit Nunaanni atuutilersinniarneqarnerat. Tassunga atatillugu suliniaqatigiiffiup tikkuarpaa Datatilsynip nakkutilliisussaasutut, aamma innuttaasunut suliffeqarfinnullu siunnersuisussaasutut inissisimanagera piviusorsiortuunngitsoq, aammalu Datatilsynip Kalaallit Nunaanni suliassaminut tunngatillugu isumaginninnissaminut isumalluutinik pisariaqartinneqartunik peqanngitsoq.</p> <p>Kingullertullu suliniaqatigiiffiup malugeqquaa suliassaqarfimmi</p>	<p>Naalakkersuisut eqqumaffigaat inunnik paasissutissanik suliarinnittarneq pillugu inatsit EU-mi inatsimmit aallaaveqarmat. Tamatumunngali tunngatillugu erseqqissarneqassaaq EU-mi inatsimmik Kalaallit Nunaannut eqqussinissaq siunertarineqanngimmat – kisiannili inuit pillugit paasissutissat suliarineqartarneranni malittarisassat nunat tamalaat akornanni atorneqartut pineqarlutik – naalagaaffeqatigiinnerup iluani atugassarititaasut iluini. Ilanngulluguttaaq malugeqquneqarpoq naalagaaffeqatigiinnerup iluani inatsimmik EU-p inatsisaanik aallaaveqartumik atuutilersitsineq qaqutigoortuunngimmat. Naggataatigullu Naalakkersuisut malugeqquaat siunnersuisussaataitanermik aamma nakkutilliisussaataitanermik suliassaq naalagaaffiup akisussaaffigimmagu - Naalakkersuisullu pissusissamisoortut naatsorsuutigaat naalagaaffiup suliassaq tamanna isumagissagaa.</p> <p>Suliassaqarfimmi malittarisassat allannortinneqarnissaannut tunngatillugu Inuit Pisinnaatitaaffii pillugit Institutip tusarniaanermi akissutaanut oqaaseqaatigineqartut innersuussutigineqarput.</p>

	malittarisassat siunissami aggersumi allanngortinneqarnissaat ilimagineqartariaqartoq.	
Open Source Greenland	<p>Suliniaqatigiiffiup siunnersuut tapersersornartinnigilaa, innersuussutigalugulu suliassaqarfik akisussaaffittut angerlaanneqassasoq, namminerisamillu inatsisiliortoqassasoq Savalimmiut assigalugit.</p> <p>Aammattaaq suliniaqatigiiffiup tikkuarpaa Kalaallit Nunaanni inuit illersorneqarnissaanik suliassaq Datatilsynimit sumiginnarneqarsimasoq, siunnersuut aqutigalugu pisortat sullissiviini pillagaasinnaatitaannginneq eqqunneqarniartoq, Datatilsyni aningaasaliissutinik tunineqaqqinniingitsoq, Datatilsyni nalunaarusiortussaataitanermik pinngitsoortinneqartoq aammalu siunnersuutip Kalaallit Nunaannit aallaaveqannginnera amigaataasoq.</p>	<p>Inunnik paasisutissanik suliarinnittarneq pillugu inatsisip atuutilersinneqarnissaanut eqqarsaatersuutigineqartunut atatillugu Naalackersuisut inuit pillugit paasisutissat suliarineqartarnerannut malittarisassatut periarfissanik allanik sukumiisumik misissuisimapput. Tassunga ilanngullugu suliassaqarfiup akisussaaffigilerlugu angerlaannissaa, aamma inatsisartut inatsisaannik atuutilersitsinissaq, Savalimmiunit isumassarsiornermik aallaaveqarsinnaasumik. Naalackersuisut nalilerpaat akisussaaffigalugu angerlaassinissami aningaasartuutissat, aamma suliassaqarfimmut atatillugu nammineq malittarisassaliornissaq massakkuugallartoq aqqutissaanngitsoq. Akisussaaffittut angerlaassinissaq ilaatigut assersuutigalugu kinguneqassaaq nakkutilliisussaataitasumik immikkut pilersitsinissaq, tamatumalu kingorna aatsaat piginnaasassanik pisariaqartinneqartunik ineriartortitsillunilu namminerisamik suleriaaseqalersussaq.</p> <p>Datatilsynip Kalaallit Nunaanni suliassaminik suliarinninneranut, kiisalu Kalaallit Nunaannit aallaaveqarnermut apeqqummut tunngatillugu Transparency International Greenlandip, Inuit Pisinnaatitaaffii pillugit Institutip aamma ICC-p tusarniaanermi</p>

		<p>akissutaannut oqaaseqaatigineqartut innersuussutigineqarput.</p> <p>Pillarneqarsinnaatitaannginnissamut apeqqummut tunngatillugu Naalakkersuisut peqqussutissatut siunnersuummi § 65, stk. 2 kiisalu § 37 naapertorlugu nr. xx aamma xx 2015-imeersunut Justitsministeriaqarfiup akissutai innersuussutigaat. Taamaattumik Naalakkersuisut isumaqarput pisortani ingerlatsiviit inunnik paasissutissanik suliarinnittarnermi inatsimmik unioqqutitsinermi pillarneqarsinnaannginnerat eqqunngitsoq.</p>
<p>Ilinniartitaanermut, Kulturimut, Ilisimatusarnermut aamma Ilageeqarnermut Naalakkersuisoqarfik</p>	<p>Naalakkersuisoqarfiup innersuussutigaa inuit pillugit paasissutissat suliarineqarnerannik nalunaarutiginnittarnek ataqatigiissarneqarsinnaasoq, suliassat Datatilsynimi suliarineqartarnerat sivikillisarniarlugu.</p>	<p>Nalunaarnissamut periusissamik aqqissuussinissaq pillugu Naalakkersuisut Datatilsynimik ataavartumik attaveqarput. Naalakkersuisut isumaqatigisinnaavaat nalunaartarnermut periutsip eqaatsumik aqqissuunneqarsinnaanissaa suliassat suliarineqartarnerisa sapinngisaq tamaat sivikinnerpaaffissaaniitinnissaannut pingaaruteqartoq.</p>
<p>Akilerartarnermut Aqutsisoqarfik</p>	<p>Akilerartarnermut Aqutsisoqarfiup inunnik paasissutissanik suliarinnittarnek pillugu inatsiseqarnek tamakkiisumik isigalugu soqutigintut, aamma innuttaasut pitsaanerumik sullinneqarnissaannut pingaarutilittut isigaa.</p> <p>Tamatuma saniatigut Aqutsisoqarfiup innersuussutigaa missingiut 2012-imi ukiulernerqarsimammat, kingornalu allannguuteqartitsinernik ujartuilluni.</p>	<p>Allaffissornikkut aningaasatigullu kinguneqaataasussat nalilersorneqarnissaannut tunngatillugu KANUKOKAp tusarniaanermi akissutaanut oqaaseqaatigineqartut innersuussutigineqarput.</p> <p>Tamatuma saniatigut Naalakkersuisut ilisimatitsissutigisinnaavaat missingiutip 2012-imi tiguneqarnerata kingorna, maannalu tusarniutigineqartup, imarisaatigut allannguisoqarsimanngitsoq. Tusarniaaneq aallaavigalugu</p>

	<p>Aqutsisoqarfittaaq aalajangersakkanut ataasiakkaanut tunngatillugu oqaaseqaatinik ujartuivoq, kiisalu siunnersuummi allaffissornikkut aningaasatigullu kinguneqaataasussat pillugit nassuiaammik aamma inunnik paasissutissanik suliarinnittarneq pillugu inatsisip Kalaallit Nunaannut atuuttup aamma Danmarkimut atuuttup suut assigiinngissutiginerai pillugit nassuiaammik.</p> <p>Aammattaaq ujartorneqarpoq aqutsisoqarfiup aamma immikkoortoqatigiit sinnerisa it-eqarnikkut systemiisa, ilaatigut paasissutissanik nalunaarsuinissamut kiisalu innuttaasunut nalunaartussaaitaanermut tunngatillugu inatsimmut naleqqussarneqarnissaasa qanoq aningaasalersorneqarnissaannik ilimaginninnermut nassuiaat.</p> <p>Naggasiutitut aqutsisoqarfiup maluginiarpa maanna Kalaallit Nunaanni namminersortuni aamma pisortani piginnaasatigut ilinniarsimassutsikkullu qaffasissuseq eqqarsaatigalugu siunnersuummi oqaasertaliussat siunnerfiillu angunissaannut annertuumik unammilligassaqaassasoq.</p>	<p>peqqussutissatut siunnersuummi naammassineqartumi arlalinnik allannguuteqartoqarpoq. Tassani pineqarpiarput xxxx.</p> <p>Naalakkersuisut isumaqatigaat inunnik paasissutissanik suliarinnittarneq pillugu inatsisip akuersissutigineqarnissaa sulisut inatsimmik ilisimasaqarnissaannik piunasaqaatitaqassasoq, aammalu naatsorsuutigalugu pisortat ingerlatsiviini sulianik suliarinnittartunut tunngatitamik pikkorissartitsinissaq pisariaqaassasoq.</p>
--	---	--